

Procurar...

INICIO SOBRE ALTERMUNDO LISTA DE CORREO DOAZÓNS CONTACTO ALTERMUNDO EN PAPEL CONSELLO EDITORIAL

Momento de implicarse

Momento de implicarse

ESCRITO POR MARÍA REIMÓNDEZ
LUNS, 21 MARZO 2011 09:22



María Reimóndez- Os dereitos aos que aspiraban as mulleres socialistas do 8 de marzo de hai cen anos están aínda moi lonxe de conseguirse.

Este ano fanse cen anos do primeiro 8 de marzo. A orixe desta celebración, datada a comezos do século XX, non radica, contrariamente ao que se adoita pensar, nun acontecemento illado, como non radican nun acontecemento illado os motivos que levaron a millóns de mulleres a levantarse naquel entón e esixir os dereitos que, como persoas e como cidadás, nos pertencen: dereito ao voto, ao traballo, á ocupación de cargos públicos, á non discriminación. Porén, a loita feminista é moi anterior a esta primeira data sinalada e pode retrotraerse ás figuras de mulleres senlleiras que en todas as sociedades do mundo argumentaron, loitaron e ata perderon a vida por defender a premisa tan básica de que as mulleres somos seres humanos con dereitos plenos.

O 8 de marzo debe axudarnos a lembrar que a historia está moi lonxe de ser liña e que os dereitos aos que aspiraban as mulleres socialistas do 8 de marzo de hai cen anos están moi lonxe de conseguirse en TODAS as sociedades. As sociedades occidentais tenden a buscar escurecer os vínculos mundiais entre o sistema capitalista e o patriarcado argumentando a miúdo que as mulleres do Sur padecen situacións de explotación extremas por culpa das súas "culturas", "relixións" ou "barbarismo" dende o convencemento de que as sociedades do Norte viven un período de esplendor no campo da igualdade. Porén, rara vez falan das culturas, relixións e barbarismos propios da sociedade occidental como causa da discriminación das mulleres, argumento que podería utilizarse igualmente (véxase o discurso da igrexa católica con respecto ás mulleres, a cultura do corpo e a beleza, o barbarismo das agresións ao corpo). Ademais, como aconteceu en diferentes momentos históricos, en canto asoma a pantasma da crise económica e de valores axiña os retrocesos alcanzan cotas de verdadeiro horror. Aquí, en Galicia, na nosa mesma casa, a retórica franquista da **muller doméstica** volve con toda a súa forza (véxase a proposta de Lei da familia do goberno do **PP**), unha lección que ben podemos aprender da antiga Unión Soviética, onde este mesmo tipo de discurso foi implantado a nivel goberamental para devolver ás mulleres á casa e maquillar así o paro tras a caída do Pano de Aceiro. Na intersección entre estes eventos e as mulleres do Sur atopamos o mesmo tipo de retórica social que trata ás "outras" das nosas sociedades como bárbaras e submisas a ditados patriarcais nos diferentes conflitos que ao longo do ano pasado se foron desenvolvendo ao redor do "veo" en diferentes centros de ensino e cidades do estado español, o último deles no próximo Arteixo. A retórica da superioridade occidental pon grosos lentes á hora de analizar de forma crítica as formas de discriminación e opresión das mulleres promovidas polo cristianismo e pola sociedade occidental en xeral focalizando unha capa máis de discriminación sobre as mulleres que xa teñen abondos elementos de marxinação nunha sociedade coma a nosa. O discurso da "liberdade de elección" tan propio do **neoliberalismo** leva a que un colexio poida decidir supeditar o dereito á educación e á convivencia a unha nena aos desexos xenófobos dunhas familias, so argumento da "liberación das mulleres". Este exemplo amosa como para loitar contra o patriarcado fai falta loitar tamén contra estes discursos neoliberais que perverten palabras como "liberdade" e "dereitos" para poñelas ao servizo dos privilexios dos poderosos.

No extremo final deste continuum están as mulleres do Sur, aínda máis suxeitas aos estereotipos e ás exclusións, ás presións internas e externas, ás loitas entre defender as súas culturas fronte á opresión cultural occidental e loitar contra o patriarcado localmente. Os feminismos demostran que a única maneira de conseguir saír dese círculo é tendendo pontes que reconezan o papel opresor de occidente e a interacción entre o neoliberalismo e o patriarcado como sistemas de explotación das mulleres do Norte e do Sur parellos e complementarios, e nos cales as propias mulleres do Norte de-sempeñamos papeis fundamentais (por exemplo, como consumidoras). Por iso o 8 de marzo as mulleres galegas saímos á rúa ao mesmo tempo que as mulleres de Salem que loitan co apoio de Implicadas contra o infanticidio feminino ou as mulleres de Mersa, en Etiopía, onde Implicadas traballou durante varios anos. Esa é a grande maxia do 8 de marzo, a unión que fai a maior forza.

Para Implicadas é esta unha forza, a da "esperanza que é poder", que dicía recentemente a feminista exipcia Nawal el Saadawi que pretendemos levar ao día a día do noso traballo. Por iso entendemos o traballo en Galicia e coas compañeiras do Sur como paralelo e imprescindible. Por iso dende 2007 apoiamos ás mulleres de Salem, na **India**, para loitar contra o infanticidio feminino, unha práctica que consiste en matar as nenas que acaban de nacer debido ao baixo valor que as mulleres teñen na súa sociedade e que supón que cada ano morran ou deixen de nacer 200 nenas. Por iso tamén lanzamos unha campaña en outubro de 2010, 1 de 200 para conseguir que 200 persoas máis nos axuden a continuar o traballo (www.200implicadas.com), co obxectivo de crear un cambio de mentalidade na nosa sociedade, de visibilizar os esforzos das nosas compañeiras de Salem e en último termo recadar os fondos que por xustiza precisamos contribuír para apoiar o seu traballo. Levamos varios meses presentando esta campaña de alto contido político en diversas cidades galegas e ao cabo do seis meses só 77 persoas se animaron a unirse ao noso traballo, o cal di bastante pouco do noso pobo e a súa responsabilidade cara ás mulleres do Sur.

Por iso se cadra o 8 de marzo é máis necesario ca nunca e tamén máis imparabile ca nunca porque cada día abrimos a prensa e comprobamos que os mesmos prexuízos que impiden que a voz da metade da humanidade sexa escoitada seguen máis vixentes ca nunca. Por iso, Implicadas no Desenvolvemento formou parte tamén das celebracións do 8 de marzo pasado, reconecendo con ledicia o traballo de todas aquelas compañeiras que cada día fan posible que, hoxe, como naqueles comezos do século XX, o cambio siga sendo un obxectivo, e non unha utopía. Porque para nós todos os días son días de celebrar o traballo das nosas compañeiras activistas de Salem (Támil Nadu) ou Etiopía, que loitan arreo para mudar as súas realidades dende dentro; das nosas compañeiras voluntarias, que traballan cada día con vontade e entrega fomentando unha sociedade galega crítica, conscientes de que para solucionar os problemas do Sur compre comezar por xerar unha conciencia analítica e reflexiva no norte; das nosas compañeiras socias, que fan posible que Implicadas poida seguir adiante cos seus proxectos; das compañeiras que, dende que Implicadas lanzou a campaña 1 de 200, no mes de outubro, permiten e reforzan con 12 euros ao mes o noso traballo para erradicar o infanticidio feminino en Salem; daquelas compañeiras que, agardamos, pasen a ser pronto 1 de 200; das nosas compañeiras mestras, avogadas, escritoras, músicas... feministas ansiosas de cambios, de avances, de igualdade e xustiza.



Categorías

Seleccionar unha categoría

Pensamentos

[Portugal e a luz no fim do túnel](#)

[Zapatos rotos](#)

[Galicia Hoxe: o fracaso dun éxito*](#)

[Crise capitalista, hexemonía e futuro da esquerda](#)

[O 'Estado de rebelión' chegou para quedar](#)

[Comeza unha revolución anticapitalista?](#)

[Liberdade natural vs. liberdade política](#)

[E Italia díxolle non a Berlusconi](#)

[Sair do euro?](#)

[O tigre carnívoro e o tigre vexetariano](#)

TAGS

ecoloxía social

[bancos](#)
[auga suplemento altermundo privatizacións](#)
[petróleo altermundismo esquerda](#)
[globalización Palestina FSM 2011 Israel](#)
[COP15 FMI democracia mudanza](#)
[climática Libia Unión Europea](#)
[rebelión Foro Social](#)
[Mundial revolución Estados Unidos](#)
[Foro Social Galego crise económica](#)
[soberanía alimentar nacionalismo Xapón](#)
[Galiza dereitos humanos Banco Mundial](#)
[enerxía nuclear medios política](#)
neoliberalismo
[decremento imperialismo guerra Gaza](#)
[transxénicos 15M débeda foros](#)
sociais [activismo alternativas galegas](#)
[Portugal autoxestión OMC FSM 2009 crise](#)
[sistémica axustamento estrutural](#)

Hoye, como cada 8 de marzo, avanzamos.

+INFO: www.200implicadas.com

"Quererás ser 1 de 200?" www.altermundo.org/quieras-ser-1-de-200/



TAGS: [antipatriarcado](#), [feminismo](#), [India](#), [muller](#)

Deixa un comentario

This visual editor brought to you by [fckeditor for wordpress plugin](#)